


Tus kab mob vais kav ua rau xiam oob qhab

(Tus kab mob ua rau xiam oob qhab)

(Poliovirus (Polio))



Tus kab mob ua rau xiam oob qhab yog ib yam kab mob uas ua rau muaj kev phom sij rau lub neej los ntawm tus kab mob vais kav ua rau xiam oob qhab. Tus kab mob vais lav no kis tau yooj yim thiab sib kis tau yooj yim ntawm ib tus neeg mus rau lwm tus. Tus kab mob ua rau xiam oob qhab cuam tshuam rau lub paj hlwb thiab ua rau cov leeg nqaij tsis muaj zog. Qee zaum, tus kab mob ua rau xiam oob qab tuaj yeem ua rau tuag tes tuag taw los sis tuag tau. Tsis muaj kev kho mob rau tus kab mob ua rau xiam oob qab, tab sis tuaj yeem tiv thaiv tau los ntawm kev txhaj tshuaj tiv thaiv uas muaj kev nyab xeeb thiab muaj txiaj ntsig.

Nws sib kis li cas?

Tus kab mob vais kav ua rau xiam oob qhab kis tau zoo heev thiab nkag mus rau hauv lub cev los ntawm lub qhov ncauj.

- ▶ Qee tus neeg tuaj yeem kis tus kab mob ua rau xiam oob qab los ntawm:
 - ▶ Tuav kov raug cov quav ntawm tus neeg mob.
 - ▶ Cov kua dej los ntawm kev txham los sis hnoos ntawm tus neeg mob.
 - ▶ Kev kov los sis muab cov khoom tso rau hauv koj lub qhov ncauj uas muaj cov quav me me.
- ▶ Tus kab mob ua rau xiam oob qhab tuaj yeem kis tau los ntawm cov neeg uas muaj tus kab mob no tab sis tsis muaj tsos mob.

Cov cim thiab cov tsos mob zoo li cas?

Cov neeg feem coob uas tus kab mob ua rau xiam oob qab yuav tsis muaj tsos mob dab tsi li.

- ▶ Kwv yees li 25% ntawm cov tib neeg yuav muaj cov tsos mob xws li mob ua npaws uas suav nrog:
 - ▶ Mob qa
 - ▶ Xeev siab
 - ▶ Kub ib ce ua npaws
 - ▶ Mob taub hau
 - ▶ Nkees
 - ▶ Mob Plab
- ▶ Nyob hauv qhov tsawg zaum heev, cov neeg muaj tus kab mob ua rau xiam oob qab yuav tsim cov tsos mob hnyav uas suav nrog:
 - ▶ Daim ntaub qhwv paj hlwb av xej (kev av xej ntawm lub hlwb thiab txha caj qaum)
 - ▶ Tuag tes tuag taw los sis txhais caj npab thiab/los sis txhais ceg tsis muaj zog

Dab tsi yog cov hauv kev xaiv rau kev kho mob?

Tsis muaj kev kho mob rau tus kab mob ua rau xiam oob qhab.

Kev siv lub cev los sis kev ua hauj lwm kho mob tuaj yeem pab txhim kho txhais caj npab, ceg, los sis cov leeg uas tsis muaj zog, los sis lwm yam kev tshwm sim ntev.

Tuaj yeem pov thaiv tus kab mob ntawd tau li cas?

Tus kab mob ua rau xiam oob qhab tiv thaiv tau los ntawm kev txhaj tshuaj tiv thaiv uas muaj kev nyab xeeb thiab muaj txiaj ntsig zoo!

- ▶ Cov me nyuam yaus yuav tsum tau txhaj tshuaj tiv thaiv thaum lawv muaj 2 hlis, 4 hlis, thiab 6-18 lub hlis, thiab rov txhaj dua ua ntej kawm hauv tsev kawm ntawv me nyuam yaus.
- ▶ Ntau tshaj 99% ntawm cov neeg uas tau txais cov tshuaj txhaj tiv thaiv tus kab mob ua rau xiam oob qab uas tau pom zoo tag nrho yuav tau txais kev tiv thaiv.
- ▶ Cov tshuaj txhaj tiv thaiv tus kab mob ua rau xiam oob qab hauv Teb Chaws Mes Kas tsis ua rau muaj mob polio.
- ▶ Kev ntxuav tu kom huv si thiab kev ntxuav tes tuaj yeem tiv thaiv kev kis tus kab mob vais kav ua rau xiam oob qab.

Tshawb xyuas koj qhov xwm txheej kev txhaj tshuaj tiv thaiv los ntawm [Wisconsin Immunization Registry \(Sau Npe Txhaj Tshuaj Tiv Thaiv Hauv Wisconsin\).](https://www.dhs.wisconsin.gov/dph/bcd.htm)

